

**FIREMON**  
**Khe Por Firemon Ndi Khergi Gap**  
**Khe fharav ganinga buni**  
**khare.**

Firemon, ana guma bakime ma. Khan muungiap, ana Korosi ngu bakimen guigira Zisas kothigi guma ma. Ana vhira fhura anan ngari naara guma mbe ki. Mba naara guma zi khare, Onesimus. Ana ana thav ra vov, harigi ngu bakimen vugap, anan ki. Onesimus vov, mba ngu bakimen kav, ana maan Porar higap, guigira Zisas kothigi.

Mba tugen Por phena tivanen ki. Ana ngip, Firemon gangirga tukti fhu. Ana thav, kha gava khergiap, ana Onesimus ga ndii. Onesimus mba gava ndigip, taagip wo mpiinsiga han ngirga. Por mba gava kherav, khan Firemon ga nzuai. Ndu won naara guma ga vhegi thari. Ndun naara guma ntigem ndava dorgap, guigira Zisas kothigi. Ndu fhura taagip ana ndigirim, ana ndu phorge rigne farar muungip ndu han kiri.

**Fhura Firemonan ngari naara guma**  
**ana thav, ra vuga kegap, zumgum**  
**guigira Zisas kothigim, Por**  
**taagia ana sarigim, ana taagia**  
**Firemon han vui.**

<sup>1</sup> Gu Por, gu Zisas Krai zin panan phena tivanen

ki guma ma. Gu nza phorga guigira Zisas kothigi guma Timoti, nka kha gava khergiap, ndu Firemon, nka anan ndu ndi mbai. Ndu nka phorgap Zيسان njaara mbui guma ma. Ndu vhira nka khurkhuma vhuun ma.

<sup>2</sup> Nka vhira kha gavar wari won mbiga hirin Apia ndi mbai. Arkipus, ana vhira nza phorgap nza Fhe Bakimen ntara mbui gumgi kav, nza ana nzuav shogi. Nza ana nzuav kherav, nza vhira kha gava ndim, mba guigira Zisas kothigi gumgi gu mbigi, mbe ndu phenan phogi ga vhui, nza vhira kha gavar mbe ndi mbai.

<sup>3</sup> Nzan Ndia Fhe Bakime gum, nza Bakime Zisas Krai, manin kora muumbar nde phorgi kirim, nde ndavi mbarav wari kiri.

*Firemon muunji tivar vhuun Por ga muunjim, Por ndikndigi.*

<sup>4</sup> Gu zazera wo Fhe Bakime phorga nzuav, gu ndu ndikndigap, anan ndikndigi.

<sup>5</sup> Gu khan muunjiap mbararagi, mbe zazera khan na nzuai, ndu guigira Zisas kothigap, zazera wo ndavar Zisas Krai ga ndii. Ndu won ndavar ana ndiv, ndu vhira zam guigira Zisas kothigi gumgi gu mbigi, ndu guigira won ndavar mbe ndii.

<sup>6</sup> Ndu vhira khurkhuman nza khuav, nza Krai kothigap ana zin vui. Gu maan muunjiap khuen nzuav Fhe Bakime phorga nzuai, ana nzan kurarim, nza guigira ndikndigi vhuun ndiv, nza vhira Krai nzan kurkurav, nza ndii bigir vhuun, nza nta kangip, ana zi ndiv vun kuamkuarga.

<sup>7</sup> Ndu nan fek, ndu guigira Zisas kothigi gumgi gu mbigi, ndu won ndavar mbe ndii. Ndu mba tiva mbuav, ndu mben ndavi havhari. Ndu mba tiva mbuim, mba tiv guigira na ndava mbuim, gu guigira ndikndigi. Gu guigira ndikndigap, nan ndav nan mbirigim, gu ki.

*Firemon taagip Onesimus ndigirim, ana ana phorge rigine farar muungip kiri.*

<sup>8</sup> Gu muungen ndu vuzvugi bigina muenj khare. Gu Zisas Krai zin pana kha bigen muun zav ndu nzuai.

<sup>9</sup> Gu ndikndigi, gu kama havharar ndu suanga tuktigi fhuvara. Nka guigira ndavar wani ga ndii tiv, mba tiv nka kekim, nka ki. Gu maanj muungiap kama mitigar ndu nzuai. Gu Por, gu Zisas Krai buni ndia rui guma ma. Gu mba buni ndia rui ne nzuav, gu ntigem phena tivanen ki.

<sup>10</sup> Gu maanj muungiap Onesimusan nzuav ndun nzai. Gu phena tivanenra kim, Onesimus zav nan higi. Ana zav nan higim, gu anan kurigim, ana guigira Zisas Krai kothigi. Gu maanj ana muungim, ana guigira nan kama gegi. <sup>a</sup>

---

**1:7** 2 Ko 7.4; 7.13      **1:8** Fm 1.1      **1:10** 1 Ko 4.15; Kor 4.9  
<sup>a</sup> **1:10** Onesimus khan muungi guma ma. Ana fhura Firemonan nraara guma khin ki. Ana kav kav, zungum rav Por han zigi. Ana zigap Por han kav, ana guigira Zisas kothigap, ana Zisas zin panan ruagi. Mbe mba tugen mben tiv khan nzuai. Maanj muungip, nraara guma the wo ngari mbasa thav, riiv, ngigirga, ana gari guma bakime, ana mba ntari ga mbui gitivi ga suanga, mbe mba nraara guma ndiv khanararej ga ntorgip, ana shogirim, na ringirga.

<sup>11</sup> Ana fhum tuituigia ndun ñaara muunji fhuvara. Ana maan muunjiap, ntigem ana guigira ñkan kurav ñaara vhuun muunga. **b**

<sup>12</sup> Gu ntige ana sarigim, ana taagia ndu han mbar vui. Gu guigira won ndavar ana ññngim, ana mbar vui.

<sup>13</sup> Gu ana thivarim, ana na han kirgen, gu guigira nen ndikndigi. Ana na han kiv, gu Zisas buna vhuueñ khuav phena tivanen kim, ana nan kurav ndu mba mbui ñaara muunga.

<sup>14</sup> Gu nen muun za mbuav, gu khuen vuzvugi, ndu bigin ma. Ndu na khirarga, gu muunga. Gu maan muunjiap ana thivi thav, ana sarigim, ana ndu han mbar vui. Ana mbar vuim, gu ndu ana muunga bigin thuen phorga ndu nzuai fhu. Fhuvara. Gu kha ndikndiga mbui, ndu maan muunjiap nan kurkurarga ndikndiga vhuueñ thuen kiv, ndu wo vuzvuga zin ngip, nan kurkurari.

<sup>15</sup> Onesimus, ana guigira tuga tivanenra ndu thav kegi. Ana ntige khan muunjim, ndu taagi ana ndigiri. Ana ntigem mbara muunjiap ndu phorgi kirga.

<sup>16</sup> Ndu ntigem kha ndikndigar anan muun thari, ana fhura ndun ñaara guma kirga. Fhuvara. Ana guigira fhura ndun ñaara guma kirga. Ndu ntigem kha ndikndigar ana muunri. Ana guigira Zisas khotigap, ana ndu phorge rigine fara muunji. Ndu guigira won ndavar anan ññngip, ñko fek gu nguk kiri. Gu nduara ana gari, ñka guigira fek gu nguk ma. Gu maan muunjiap won ndavar

---

**b** **1:11** Grikin kaman kha zi, Onesimus, ana khan nzuai kamen fara muunji, “Ñaara vhuueñ mbui.” **1:13** Fi 2.30 **1:14** 2 Ko 9.7; 1 Pi 5.2 **1:16** 1 T 6.2

ana niinggi. Gu maan muungiap khuen kanji, ndu guigira won ndavar anan niinga. Ndu vhira ana fhura ndun ngariv muunga tivi, ndu guigira nta vuzvugirga. Ndu Krai zin panan nko fek gu nguk kiv, ndu guigira won ndavar anan niingirga.

<sup>17</sup> Ndu maan muunga, ndu na ganinga, gu guigira ndu phorga Krai naara mbui khurkhuman vhuun ma. Ndu taagip Onesimus ndigiv, ndu mba na mbui tivara ana muunri.

<sup>18</sup> Ana maan muungip fhum bigina mbatiga thuen ndun muungirga o, ana ndu ngarigar muungirga, ana mba muungi bigen, ndu ana zi thugip, na zi ndi tigiri.

<sup>19</sup> Gu Por, gu wo farvera kha buni khergiap, ndu ndi mbai. Gu nduara ana mba muungi bigen ngarigar muungirga. Gu nduara kha ndu suanga, ndu na muungi bigen ma. Gu ndun tuma muungi bigen ma. Gu nen ndu suanga fhu, ndu bigin ma.<sup>C</sup>

<sup>20</sup> Ndu na phorgap guigira Zisas kothigi guma, ndu mbarara. Ndu Guma Bakime zin panan na suany kha tivar vhuun muunri. Ndu maan nan muunga, nan ndava vhee ndikndigirga.

<sup>21</sup> Gu guigira khuen kanji, ndu gu suangi buni zin ngirga. Gu maan muungiap kha gava khergiap, ndu ndi mbai. Gu kanji, ndu ntigem Onesimusan muunga tiv, ana gu khar ndu nzuai tiv, ana guigira ana kamararga.

<sup>22</sup> Gu ntigem ndu phorgi suanga buna muen phorga khar ki. Mba bunen khare. Gu Fhe Bakime kothigi, nde ana phorgi suanga buni, ana nta

---

**1:17** 2 Ko 8.23    **1:19** Ga 6.11    **C 1:19** Ndu 1 Korin 16.21 ganiri.  
**1:22** Fi 1.25; 2.24

mbarararga. Ana nde buni mbararav, na sararim, gu nde han mbar ngigirga. Ndu maan muungip wo phenan na suanv nana thuen muungirim, gu mbar ngip, mba nanen kurga.

*Por phorga ngari gumgi, mbe won raar vhuun Firemon ga ndii.*

<sup>23</sup> Khe Epafra, ana won raar vhuun ndu ndii. Ana vhira phena tivanen ki. Nka vhira wani tigap Krai zin panan phena tivanen ki.

<sup>24</sup> Khe na phorgap nza mba naara bavira mbui gumgi, Mak gu Aristarkus, Demas gu Ruk, mbe vhira wari won raar vhuun nde ndii.

<sup>25</sup> Nza Guma Bakime Zisas Kraisan kora muumbar nde phorgi kiri.

## **Fhe Bakimen Kaman Kamen Kire New Testament**

copyright © 2001-2004 Pioneer Bible Translators

Language: Kire

Translation by: Pioneer Bible Translators

### **Fhe Bakimen Kaman Kamen in the Kire Language**

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at [www.pioneerbible.org](http://www.pioneerbible.org)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-02

---

PDF generated using Haiola and XeLaTeX on 2 May 2025 from source files dated 2 May 2025

bfb792d-a7df-5425-8e30-1e4968f04468